

明史考證攷逸

十



明史攷證攏逸卷三十八

長洲王頌蔚編集

列傳第二百 四川土司二

播州傳

改播州宣慰司隸貴州

按播州於十五年改隸貴州二十七年四月仍改屬

四川見地理志

黃龍韋保等殺掠人民

按景泰二年貴州賊首韋同烈僞稱苗王糾眾數萬屯聚興隆之截洞攻平越清平湖廣總督王來率總兵梁瑤等進勦縛同烈械送京師五年四川苗賊黃

龍韋保僞稱平天大王聚眾攻劫播州等處貴州提督蔣新率官軍進剿縛韋保等送京師見明實錄

應龍本雄猜阻兵嗜殺

按應龍所居僭飾龍鳳用繡女闈人嬖妾田氏雌鳳疑嫡妻張氏姦淫出之已而飲田氏兄所乘醉封刀取張氏及其母首屠其家初惑七姓言虐所屬黃平五司既而覺七姓欺已遂結關外生苗戕七姓見蠻司合志

時四川新撫譚希忠

刪四

執原奏何恩詣綦江縣

執改爲恩下增所執二字

按蠻司合志言應龍遣行間者懷金入京爲原奏何

恩所報解綦江縣此言執原奏何恩詣綦江縣彼此  
迥異考何恩係告應龍謀反之人是時應龍方上書  
自白斷無敢執何恩之理且綦江係內地執詣內地  
尤屬無謂應以蠻司合志爲正

永寧傳

七年

七改八年  
下增正月

八年以祿照爲宣撫使

刪八年

按一統志及地理志陞永寧安撫司爲宣撫司係八  
年正月事此作七年誤

國子學錄黃明善奏四川山都掌蠻屢歲出沒

按明善奏有平蠻三策一竄之鄰境以離其黨欲將

明列傳三十八  
都掌蠻民分隸烏撒等四府安置撫卹有不從者許  
土官勦之則兵不血刃而境土自安矣二分屬漢蠻  
以別其類都掌地與永寧芒部相錯接永寧者割隸  
永寧接芒部者割隸芒部而該縣止管漢民則漢蠻  
各有統屬矣三據險固守以待其斃都掌北距敘州  
馬湖無北走之路今宜選將領兵由納溪斷其後門  
半年之後皆爲餓殍矣見明實錄

効忠死妻世統無子

按効忠死崇周當襲職顧稚弱而總兵劉顯見世續  
而喜遂以世續名請冠帶視宣撫事効忠弟沙卜通  
於其嫂世統欲世統襲兄職而朝命屬世續大怒遂

屬夷目攻世續於落紅世續遁居永寧見蠻司合志

十四年奢崇周代職未幾死

未幾改二十三年

按蠻司合志言二十三年征楊應龍崇周應調已行沙卜伏甲道左將殺崇周崇周力戰斬二十八級追沙卜至河殺之沙卜之子白僕亡之貴陽密使白春芳以蠱飲崇周崇周死是崇周於十四年襲職至二十三年征楊應龍時已十年不可謂未幾

樊龍等以增行糧爲名乘機反

按時以邊事急徵四方兵崇明上疏請提兵三萬赴援遣其將樊龍等以兵至重慶巡撫徐可求點核汰其老弱索餉復弗繼龍等遂鼓衆反舞槊刺殺可

求遂一擁而上道臣孫好古駱日升李繼周知府章  
文炳同知王世科熊嗣先推官王三宅知縣段高選  
總兵黃守魁王守忠參將萬金王登爵皆死之原任  
鞏昌同知董盡倫聞變率眾入城殺賊遇伏死見明  
史紀事本末

分兵攻合江訥溪

訥改  
納

按瀘州有納溪縣因州西有納溪故名見地理志及

一統志此作訥溪誤

酉陽傳

元屬紹慶府

紹慶改  
懷德

按酉陽州元史及明史地理志皆屬懷德府此屬紹



慶誤

列傳第二百一 雲南土司一

雲南傳

攻石屏不下

按楊畏知傳稱是時賊攻石屏寧州嶧峨皆陷之此  
作攻石屏不下互異

景東傳

因奏景東百夷要衝宜置衛以錦衣衛僉事胡常守之  
按是時立景東衛命陶往鎮而別以流官掌印莅府  
事陶至鎮勤慎守法因仍復知府頒賜金帶且鑄誠  
心報國四字褒之見明實錄與此小異

宣德五年置孟緬長官司

按宣德五年六月置孟緬長官司屬景東府後直隸布政司萬厯二十五年改屬順寧府之雲州見明實

錄

大侯土知州刀奉漢

侯改侯漢改罕

廣南傳

立廣南西道宣撫司

道改路

按廣南西路此譌路為道據元史地理志改

洪武十七年歸附改廣南府

七改五

按廣南府置於洪武十五年十一月見明實錄地理

志同此作十七年誤

廣西傳

後為東熨烏蠻等部所居

熨改  
蠻

按元史地理志作東爨此作東熨誤

洪武十四年歸附

改洪武十  
五年為府

按明實錄廣西之改路為府以土官普德署府事其事在十五年三月地理志同此僅稱十四年歸附而未詳改路為府下旬署府事無根

浪渠

改浪  
渠

按一統志地理志皆作浪渠

嘉靖元年設雲南彌勒州十八寨守禦千戶所

按一統志彌勒州西有十八寨山嘉靖元年二月置

明史紀事本末卷三十六  
守禦千戶所於此

鎮沅傳

其後金齒焚蠻據之焚改白

建文四年置鎮沅州

按地理志稱鎮沅州爲洪武三十五年十二月所置則其事在成祖時矣

陞爲府

按明實錄鎮沅之陞爲府在永樂四年四月己卯此概紀於三年之後未晰

順寧傳

因請改順寧爲流官

按萬曆二十五年以平猛廷瑞亂改順寧爲流官知府改大候州爲雲州設流官知州見明實錄

所謂三緬也

緬改猛

按地理志作三猛

孟良傳

設孟良府

按孟良府初置時隸雲南都司後隸雲南布政司見

一統志

孟定傳

設孟定府

按明實錄洪武十五年三月己未設雲南五十二府

孟定已居其一此稱洪武三十五年設孟定府互異

曲靖傳

至元初置磨彌部萬戶

至元初改元憲宗時

按元史地理志憲宗六年立磨彌部萬戶至元八年改爲中路十三年改爲曲靖路此以置磨彌部爲至

元初事誤

後改爲曲靖路宣慰司

改至元時改曲靖路宣慰司

征南將軍下雲南

改傅友德下雲南

行省平章劉輝等來降

等下刪來字

十五年改曲靖千戶所爲曲靖軍民指揮使司置曲靖軍民府

按地理志曲靖於洪武十五年三月爲府二十七年  
四月升爲軍民府與此小異

西南有木蓉菁

蓉菁改  
容菁

按一統志木容菁山名在馬龍州東南地理志同此  
作蓉菁誤

曲靖軍民知府晏毅言四事

按正統七年三月復曲靖衛定南堡堡置於洪武間  
後廢至是以王驥等言平夷衛平水堡去曲靖遠且  
田土荒蕪宜復立定南堡撥兵屯守從之見明實錄

妻安索儀署州事

索改  
素

按下十二行作安素儀與蠻司合志同

乾隆四十一年

賜諡諸臣

祿永命周士昌

通諡節愍

列傳第二百二

雲南土司二

姚安傳

元立統矢千戶

按元史地理志統矢千戶之立在憲宗七年至元十  
二年罷統矢立姚州隸大理路至天麻初乃陞爲路  
武定傳

土舍鳳朝文作亂

按是時因安銓之亂巡撫傅習調朝文兵千餘守廠  
江朝文遂據廠江還攻武定殺同知袁俸知州秦健



等十三人見明史紀事本末

尋甸傳

獭刺蠻居之獭改

巡撫傅習檄守巡官討之

按是時習檄參政黃昭道副使周奎統官軍討之敗績見識大錄

麗江傳

宋時麼些蠻蒙醋據之

按蒙醋明一統志作蒙醋醋

三十年改爲麗江軍民府

按永樂九年九月麗江軍民府知府木初遣人貢馬

賜鈔幣見明實錄

元江傳

後為麼些徒蠻阿剌諸部所據元時內附

按阿剌諸部以憲宗四年內附七年復叛至元十三

年遙立元江府以羈縻之二十五年命雲南王討平

其地乃更置元江路

永昌傳

隸大理萬戶所所改

按元史百官志作萬戶府

洪武十五年定雲南立金齒衛

按明實錄永昌洪武十五年三月己未仍為府屬布

政司地理志同

置司甸長官司以土酋阿干為副長官

司甸改施甸干改干

按明實錄洪武十七年五月己酉置施甸長官司以

土酋阿干為副長官

古湧二關

湧改勇

按地理志及一統志皆作勇

其長官司二

按地理志稱永昌所屬長官司三日施甸日鳳谿日

茶山茶山為永樂五年析孟養地置屬金齒軍民司

嘉靖元年屬府

威遠傳

大理時為百夷所據

大理改段氏百夷改白蠻

按大理之名雖始於段氏然以地名紀時代未協且

一統志稱威遠在段氏為金齒白蠻所據元史地理

志同此作百夷亦誤

給威遠土知州刀蓋金牌命合兵勦麓川叛寇

蓋下增罕字合

下刪兵字

鎮康傳

十七年改為州

按鎮康降為州後尋廢以其地屬灣甸州永樂七年

七月復置見明實錄

以中官徐亮使西南蠻

按亮使西南時曩光阻道並劫奪賜物至是遣頭目  
刀怕楞等來朝乞貸罪復遣給事中周讓行人方濬  
往戒諭之見明實錄

大侯傳

六年長官刀奉偶遣弟不納狂來貢

按永樂九年六月刀奉偶遣弟混三等貢馬及方物  
賜鈔及文綺襲衣見明實錄

瀾滄衛傳

弘治十一年福建布政李韶以前任雲南參議知土俗

事宜上疏言四事

一改二  
議改政

按明實錄李韶是疏在弘治十二年九月乙丑此作

十一年又韶前任雲南右參政此作參議均誤又按  
明實錄韶所陳四事一則請設瀾滄兵備副使一則  
勦撫孟養思陸策一則言廣西府所屬皆僰人難制  
其地有水利請設屯田一則謂曲靖衛軍多地僻平  
夷衛軍少事繁請以曲靖衛屯田附近平夷者調撥  
二所以屬之

### 麓川傳

元時皆屬緬甸

至

餘皆道卒

改漢時為永昌郡徼外麓川之地曰大布茫曰暎頭

附賽曰暎中彈吉曰暎尾福祿培在茫施東平緬之地曰驃暎曰羅必四莊曰小沙摩弄曰驃暎頭在麓川東北皆處金沙江之南故為白蠻所據其地又有龍川江為麓川達木邦之路蠻恃以為險元中統初始內附至元十三年立為路並隸于金齒宣撫司洪武

按一統志及元史經世大典明史明一統志明史紀事本末諸書麓川平緬在元時立兩路屬金齒宣撫司此作屬緬甸誤且以下接紀緬甸事實業已詳載彼傳尤不應複敘茲據諸書所載麓川平緬疆土建置改正

爲麓川平緬宣慰使司

緬下增軍民

按明實錄作麓川平緬軍民宣慰使司明制軍民宣慰使司與宣慰使司自別

緬國王使來言

國王改酋遣

按緬甸在明時未封王其本傳稱土酋卜刺浪遣使貢方物訴思倫發侵奪境土卽其事此稱國王誤

適其部長刀幹孟叛

幹改

按本紀沐英緬甸土司傳皆作刀幹孟

西平侯沐春遣送至京師

遣送改挾與俱京下刪師

按明實錄是春沐春適入覲乃挾倫發與俱朝沐英傳同此作遣送至京師誤

命西平侯諭之

侯下增晟

按是時所謂西平侯者沐晟也傳僅稱爵未協

廷臣舉右都督方政

右改左

按明實錄作左都督明史紀事本末同

任發方修貢冀緩師而晟遽信其降

按思任未叛時孟養宣慰司刀賓玉嘗遣思任質晟



府晟兒子畜之至是晟遣指揮車琳等諭降思任佯  
諾晟遂信之見明史紀事本末

### 政追至空泥

按政是時與其子瑛部將顧勇等乘勝深入比至空  
泥知無援乃遣瑛還而身與顧勇等陷陣死見識大  
錄

### 仍敕晟豫籌糧糶

按正統四年五月以沐昂爲征南將軍充總兵官討  
賊明年五月昂抵隴把以糧乏引歸參將張榮敗績  
於芒市下詔切責見明實錄

都督李安劉聚副之

督下增同知  
安下增僉事

前軍抵於木籠

於改沙

按明一統志沙木籠山在南甸南一百里即王驥破任發處元志所謂小沙摩弄正此山也此作木籠誤百道環攻復縱火焚其營

按是時都督同知李安駐潞江護餉道既而賊破安恥己功不與聞賊有屯於高黎貢山者往攻之不利為賊所躡都指揮趙斌等死傷者千八百餘人明年六月論斬下獄見明實錄

於是復命王驥蔣貴等統大軍再征麓川

按驥等再征麓川之命在正統七年九月見明實錄本紀作八月誤

十一年緬甸始以任發及其妻孥三十二人獻至雲南  
按緬甸之獻任發馘緬甸傳作正統十二年本紀作  
十年十二月明史紀事本末與本紀同此作十一年

互異

其部眾復擁任發少子祿據孟養地為亂

祿改思陸  
養下刪地

按王驥傳稱是時思任發少子思陸復擁眾據孟養  
孟養本傳亦稱思陸發者思任發之遺孽也此誤陸  
為祿復脫思字

乃與思祿約許土目得部勒諸蠻

祿改陸許下增  
以目下刪得

按明史紀事本末蠻司合志諸書稱是時與思陸約  
許以土目此落以字文義遂晦

一入杉木籠杉改沙

至是大軍遣木邦罕禽多掩殺之掩改

按多俺就戮之後旋築平麓城於猛卯以興屯田見

一統志

列傳第二百三 雲南土司三

緬甸傳

遣使至八百國王所國王改土司

按地理志洪武二十四年置八百大甸宣慰使司是

八百在爾時特一土官耳此作國王未協

至南安南安改安南

按南安當作安南見明實錄

後卓吉爲思眞婿猛乃頭目別混所殺

按思眞孟養長官也是時爲緬所擄見孟養土司傳  
既覘知有備

按是時朝議用沐朝弼請於蠻哈設兵備緬見蠻司  
合志

罕拔又爲緬招干崖土舍刀怕文許代其兄職

按怕文兄怕舉妻罕拔妹也拔使據干崖以臣緬許  
以其嫂妻之並代其兄職怕文怒挾二子詣同知辭  
衛守備李騰霄訴之與俱戰見明史紀事本末

令土目馬祿喇送等領兵萬餘

馬改烏

按明實錄作烏祿喇送

岳鳳嗾應裏殺罕拔盡俘其眾

按是時罕拔子進忠守木邦應裏遣弟應龍襲之追  
進忠於渣哩江進忠挈妻子內奔見明史紀事本末  
且窺騰衝永昌大理蒙化景東鎮沅諸郡

按是時應裏西會孟養孟密蠻莫隴川兵於猛卯東  
會車里八百孟良木邦兵於孟炎見蠻司合志

緬將猛勾詣緹絳猛改莽

岳鳳及其子皆伏誅

按是時諸部蠻多視岳鳳為向背緹等欲借以招諸  
蠻處之金沙江上游故諸部俱殺緹使來歸而中朝  
不察日索獻俘十二年冬岳鳳父子伏誅諸部旋復

解散陰附於緬而應裏復披猖矣見蠻司合志

緬帥思仁寇蠻莫敗之

按思仁即孟密土舍思忠從弟也歸於緬緬偽署之於孟密二十一年思仁率眾三十萬象百據蠻莫思化敗走二十二年陳用賓遣參將王一麟等復之至是復入寇又大敗之見識大錄

千崖傳

棘人居之棘人改白蠻

按元史稱鎮西路舊為白蠻所居考白蠻黑棘種類

自殊此作棘人誤

永樂元年永上增後廢屬麓川平緬司八字元年改初

頒給信符金字紅牌改給信符金牌

干崖長官曩歡遣頭目奉表貢馬改長官曩歡遣頭目貢馬

宣德六年六改五

潞江傳

隸柔遠路隸改立

永樂元年內附改洪武十五年為府後廢永樂元年

宜設長官司治之改故設司治之

頒給信符金字紅牌改給信符金牌

潞江長官司曩壁刪潞江二字壁改壁

按明實錄作曩壁

遣子維羅法貢馬方物維改惟



按明實錄作惟羅法

南甸傳

南則炎瘴如蒸

蒸改

乞置四巡檢司鎮之

按南甸四巡檢司設於木縛雷傍哈正壠磨孟倫等處見一統志

茶山傳

茶山長官司

按茶山長官司傳未詳其置自何時考地理志稱永樂五年析孟養地置屬金齒軍民司一統志稱土酋早姓舊屬孟養永樂二年孟養叛蠻日早章憤其不

忠遂不附五年詣闕賜印綬爲長官其建置年代與志合

里麻傳

里麻長官司

按明實錄及通志諸書皆作里麻與此同地理志作麻里誤

木邦傳

罕落法襲父職族人構難落法避於孟更

按是時落法部族罕指法者欲推落法叙罕逆襲乃挾頭目刀板放等聚眾謀殺落法落法遂奔見蠻司

合志

孟都蠻者

按一統志木邦本名孟都則是孟都卽木邦地此別之曰孟都蠻未識何據

曩罕弄驕蹇不服

按成化初南寧伯毛勝貪猛密寶石許得自貢不關木邦而太監錢能直就徵其地自是曩罕弄益縱恣無忌見蠻司合志

遂命宗巡撫雲南

按宗乘傳至滇卽大言孟密宜開設巡撫吳誠有難色宗叱之曰爾敢與內廷抗耶遂率鎮守及三司會勘杖木邦訴民而犒孟密使者踰南牙山就見曩罕

弄曲徇所請見明史紀事本末

孟密土舍思樸

樸改樸  
下同

按明實錄作孟密土舍思樸

於是巡撫張誥等會奏

按是時誥遣參政毛科副使荆茂詣孟密撫諭見識

大錄

萬曆十二年忠齋僞印來歸命

二改

按思忠等之歸命也朝命以思忠爲孟密宣撫思化  
爲猛哈同知思順爲蠻莫安撫比信符至而思忠等  
已復投緬矣見明實錄

罕洪思禮奔隴川

洪改  
洪

孟養傳

成祖卽位改雲遠府爲孟養府

按地理志稱洪武十五年改雲遠路爲府十七年改爲孟養府後廢洪武三十五年十二月復置此以改稱孟養屬之成祖卽位時互異

十四年復設孟養宣慰司

按永樂九年五月孟養宣慰刀玉養來朝貢馬賜賚如例見明實錄

思陸發者

按明史紀事本末及識大錄諸書法者蠻酋自大之稱內地遂訛法爲發故傳中或稱發或僅稱思陸他

傳似此者甚多

因得入貢至以襲祖職

按弘治改元詔頒徼外土酋金牌信符時孟養宣慰已廢而兵部誤以舊號頒給思陸思陸遂誑諸蠻曰天朝復我官矣諸蠻信之勢遂日盛見明史紀事本末

### 官軍糧絕遽引退

按是時誥遣兵備副使趙炯分守參議黃東山左參政毛科調官民兵萬二千人防護科炯會騰衝東山先之隴川儲糧科會炯發孟養兵又增發隴川南甸千崖三宣撫兵欲藉此挾撫以成功科營戛勒河西

炯營其東東山因與炯議不合留止于崖戒各倉毋  
與軍士糧而科復以失火燬營喪軍器千數引兵駐  
南牙山與孟養兵會比思英堅守不出復遣人諭之  
乃與約降是時軍無糧采芭蕉心以食迨引退皆飢  
疲且聞蠻莫追者在後自相蹂踐死者無算見明實  
錄

孟養思倫等各願貢象牙土錦金銀器

按思倫卽思陸子也見蠻司合志

車里傳

改置軍民宣慰使司

按車里軍民宣慰使司之置地理志作洪武十九年

明實錄與此同

老撾傳

既而帝以刀線歹潛通安南季犛遣使詰責

按永樂二年安南故王陳日燿弟陳天平爲黎季犛所迫竄走老撾老撾遣送至闕見明實錄

列傳第二百四 貴州土司

貴陽傳

領長官司十八

按地理志稱貴陽軍民府領長官司十六未載貴竹平代與此互異

其貴州宣慰司所領長官司九



按地理志貴州宣慰司領長官司七未載青山劄佐  
與此互異

子貴榮龔

按正德中貴榮以從征香鑪山有功加貴州布政司  
參政猶怏怏乃奏乞減龍場諸驛以償其功事下兵  
部時主事王守仁以言事謫龍場驛丞貴榮敬禮之  
守仁貽書切責貴榮止其事見王守仁文集

漢民張純

按蠻司合志作張統

應龍之祖以內難走水西客死

按應龍之祖楊相寵庶子煦嫡子烈母張悍甚與烈

盜兵逐相相遂走死水西見明史紀事本末卽下文  
所謂楊相喪亂者也

烏撒土舍謀逐安効良

按是時烏撒土舍安効良初與堂弟安雲翔爭立廷  
議以嫡派立効良雲翔數爲亂謀逐効良焚劫烏撒  
見明史紀事本末

分兵破安順平壩霑益

按是時安効良亦助邦彥西陷霑益而邦彥自統水  
西軍及羅鬼苗種數萬東渡陸廣直趨貴陽別遣王  
倫等下甕安襲偏橋以斷援兵見明史紀事本末

巡撫李滄方受代

滄改  
標

按本傳作檣

已以王三善爲巡撫至分兵三道進

按是時三善師次平越副將徐時逢與賊戰瓮城不利參將范仲仁坐視遂大敗殺前鋒馬一龍等三善乃命副使何天麟等從清水江進僉事楊世賞等從都勻進而自將二萬人當賊鋒見明史紀事本末所謂分兵三道者指此

時奢崇明爲蜀兵所敗計窮投水西與邦彥合

按是時崇明求救於水西邦彥遣十六營渡河援之川將羅乾象急破藺州覆其巢崇明遂走投邦彥謀分兵一犯遵義一犯永寧見蠻司合志

朱燮元爲蜀督建議滇兵出霑益遏安効良應援

按六年二月邗彥謀分犯遵義而令奢寅專犯永寧未行而寅爲其下所殺無何邗彥復寇貴州燒劫麻姑孫官堡官軍敗績巡撫王城遣都司張雲鵬等敗之於趙官堡會崇明邗彥皆乞撫燮元聞於朝許之參將楊明輝奉命往撫制書僅招撫安位不云赦邗彥邗彥怒殺明輝撫議由此絕見明史紀事本末及

蠻司合志

而霑泥

霑改摩

分遣別將林兆鼎從三壘入

壘改

貴陽甫定

上壘乃分水西地授諸酋長及有功漢人十四字

思南傳

元改宣慰司至屬湖廣

按元史地理志思南在元爲思州安撫司泰定中改爲宣慰司屬湖廣行省地理志洪武四年改屬四川六年十二月仍屬湖廣一統志稱洪武七年析置思南宣慰司

置思南府領長官司四

按地理志稱思南領長官司三僅載蠻夷沿河祐溪朗溪三長官司與此互異考明一統志水德江本水特姜長官司元屬思州洪武初改名屬思南永樂十二年屬府萬曆三十三年改置安化縣故地理志失

載

命信國公湯和等討之

按是時和與江夏侯周德興從楚王楨討諸蠻破上  
王洞殺吳面兒俘四萬餘衆且與江陰侯良平潭溪  
古州二百二十三洞籍其民一萬五千都督楊文同  
知韓觀勦古州洞蠻林寬俘其衆而顧成又復勦平  
平洲六洞諸寇凡一百三十七寨見明實錄

鎮遠傳

仍改府屬貴州

改仍置府  
屬貴州

按明實錄永樂十一年置鎮遠府於州治正統三年  
省州入府是爾時特於鎮遠州增置府治並非改州

爲府此所載誤且與下革鎮遠州不合

言巴也梁止諸寨爲亂指揮使陶効忠不問

按巴也梁止蠻司合志作巴野梁上陶効忠蠻司合志作陶啟忠均與此互異

黎平傳

黎平元潭溪地也

按一統志稱黎平在元時置上黎平長官司隸新添葛蠻安撫司

永樂十一年改置黎平新化二府

按明實錄萬厯二十九年十一月改黎平府屬湖廣三十一年四月還屬貴州

覃洞上陸諸苗悉降

按覃洞上陸方瑛傳作覃洞上隆互異

安順傳

洪武初為普定府

按通志洪武十四年仍置普定府十六年又析置安

順州屬焉十八年府廢以州為普定衛隸四川

弘治十一年普安州土判官隆暢妻米魯反

改二妻改妾

適暢被出

出改逐

暢聞怒立殺禮

刪聞字立字

阿保挾魯與其子阿鮮等攻暢

鮮下增莫下同

別居南安

南安作安南衛



帝命南京兵部尙書王軾

兵改戶

安民自辨得赦

按是時已下安民於獄旋釋之見明史紀事本末

都勻傳

元曰都雲

按元史地理志置都雲軍民府通志元時置都雲軍民府及定雲府尋合置都雲定雲安撫司隸雲南行

省

永樂十一年改隸貴州

一作七

曰平州

州改

諸苗功劫

功改

巡撫鄧廷讚提督軍務

讚改  
瓚

總兵楊仁巡撫陳克宅平之

按是時克宅調土漢官兵三萬集聖下攻三月不克  
乃分兵歷破賊黨凱酋等聖隨招降附近四十八寨  
苗命土官安萬銓率兵攀崖躡絕頂自山後馳下楊  
仁等仰面攻之遂斬阿向凱口盡平見明實錄

都御史遣指揮郭懷恩及長官金篆往問狀

按是時都御史爲何起鳴見一統志

平越傳

萬厯中始置府屬貴州

按地理志洪武十四年置平越守禦千戶所十五年

閏二月改爲平越衛十七年二月升爲軍民指揮使  
司屬四川尋屬貴州都司萬厯二十九年兼置軍民  
府於衛城屬貴州布政司一統志所載同皆與此互  
異

領縣四 至 曰揚義

按地理志稱平越領三縣曰湄潭曰甕安曰餘慶此  
作領縣四多一平越互異考一統志明通志諸書平  
越衛置於明初萬厯二十九年兼置府治於衛城終  
明之世平越衛未嘗廢亦未嘗爲縣至 本朝康熙  
十一年乃改衛爲縣此所載誤又地理志及明通志  
稱平越領長官司二曰凱里曰楊義凱里置於嘉靖

八年屬清平衛萬厯二十九年屬平越府且本傳下文亦稱天啟四年凱里土司叛則凱里之領於平越尤明此稱領長官司一誤且訛楊爲揚

遂移師龍頭黎蘭等寨

按黎蘭等寨鄒文盛傳作都黎都蘭

明史攷證攬逸卷三十八

明史攷證擴逸卷三十九

長洲王頌蔚編集

列傳第二百五 廣西土司一

桂林傳

提督吳桂芳因其間遣典史廖元入上六里撫諭之

按是時桂芳奏古田自弘正來知縣未嘗入城今廖元撫賊有功宜陞主簿徐擢爲縣且本省總兵止以都指揮統之不兼制柳慶權輕位下凡事輒爲撫蠻更道所持請稍重將權部議加都督銜兼柳慶廖元陞擢皆如議見明實錄

旣而生縛銀豹并其子扶枝膠送京師

按是時僉事金柱捕得銀豹正茂因自劾詔勿問見  
明實錄

更陞古田縣爲永寧州

按地理志一統志稱古田縣之爲永寧州也在隆慶  
五年三月

柳州傳

融州羅城洞蠻潘父惹

州改縣下同

仍隸籍爲民宣德初

改隸籍爲民宣宗卽位

慶遠傳

漢交阯日南二郡界

改漢爲鬱林郡地晉以

乾符中

改

那地縣土官羅貌來朝以貌知縣事縣並改州

又長官司二曰永安永順改又長官司三永順永定永安

永安司安改定

都御史鄧廷瓚為奏置永順永安二司安改定

平樂傳

平樂初為縣

按平樂漢屬蒼梧郡地三國吳置縣歷晉至隋皆因之唐武德四年為樂州旋改昭州天寶初曰平樂郡後復曰昭州宋曰昭州平樂郡見一統志傳僅稱初為縣殊未詳核

新立於矮石城矮改

平樂府之昭仁堡

仁作平

府江有兩岸三洞諸獐皆屬荔浦延袤千餘里

按正德十三年五月都御史陳金奏府江爲兩廣舟船必由之路苗賊出沒江道阻塞請於昭平堡創建守備署移守備平樂指揮居之摘撥廣東各衛所官軍二哨並桂平梧柳民兵二千人分番防守又調柳慶土民田州土兵三四千人耕種沿江荒田從之見

### 明實錄

荔浦之峯門南源修仁之麗壁永安之古眉諸巡司

按峯門巡檢後遷中峒南源巡檢後遷下峒又遷延賓江見一統志



而布政司以為不便總制乃議立八寨為長官司總制改正

梧州傳

擊金雞松柏諸寨雞改鵝

潯州傳

千戶滿智等誘殺十人滿改潘殺改執

命以雍為僉都御史都督同知趙輔為征蠻將軍

按輔亦王竑所薦見明史紀事本末

賊奔渡橫石江石改水

僉事孫繼祖祖改武下同

嘉靖十八年二月兩軍齊發

明史紀事本末卷三十九  
按萬達之追賊羅連山也檄右軍抵長洲沿江繞出賊背賊於諸險隘伏器械防禦官軍以計發之追斬百餘級會右軍迷失道愆期三日又土日盧蘇受賊賄斂兵縱之而羅連亦官軍古所未至者賊深入山遂不復窮追云見明實錄

### 藤峽復平

按藤峽復平之後萬達汝成獻善後七事於蔡經一編保甲以處新民二立營堡以通江道三設多備以控上游四改州治以建屯所五清狼田以正疆界六處款兵以慎邊防七權商稅以資公費經爲奏行之見明實錄

南寧傳

南寧領州四曰新寧曰橫州為流官曰上思州曰下雷

州為土官縣三曰宣化曰隆化曰永濠

改南寧領州七曰新寧橫州為

流官歸德果化上思州下雷州忠州為土官縣三宣化隆安永濠

列傳第二百六 廣西土司二

太平傳

太平土官黃英衍等遣使齎印詣平章楊璟降

按是時田州府土官岑伯顏與英衍同齎印降見蠻

司合志及田州傳

土官李鐵釘歸附

按李鐵釘一統志作李正英

宋隸太平寨 至 省入安康州

按思同州宋史屬左江道不屬太平寨元時則屬太平路見一統志傳以為宋隸太平寨者誤也其二十

八年省入永康一統志作二十七年與此互異

宣德間稍侵其鄰境肆殺掠萬厯三年討平之 改宣德三年其

裔趙文安侵掠鄰境七年討平之

按一統志宣德三年日泰裔趙文安侵掠鄰境伏辜

七年置流官此誤

土官李添慶歸附

按李添慶一統志作許添慶

舊名營周 州周改

按一統志及土夷考俱作營州此誤

土官李世賢歸附

按李世賢一統志作趙世賢

宋置安峒

改宋屬  
結安峒

按方輿紀要結倫州宋為結安峒地此脫結字且不

當云宋置

洪武二年

改洪  
武初

元屬太平路

按都結州古名渠望洪武初土官農威烈歸附見土

夷考一統志

土官趙雄傑歸附

按趙雄傑一統志作趙斗清

土官楊姓

按土官楊姓楊榮賢也見土夷考

思明傳

遣千戶袁洪奏永固國本事請易儲

按玠先遣人入京賂用事者請易儲景帝大悅命廷

臣會議大學士陳循力主之遂易見濟為皇太子玠

遂蒙大赦原免復職并進都督賜誥命見蠻司合志

總督戴耀奏

耀改

宋屬承平寨

承改

按宋建五寨於左右二江一名永平見宋史此誤永

爲承

成化八年升爲州

按地理志作成化十八年互異

總督蔡經

蔡改張

思恩傳

請陞思恩爲府

按陞思恩爲府在正統四年見地理志

橋利堡正當猺寇出沒之所

橋改

巡撫朱英請獎鏖功

巡撫改總督

鎮安傳

改爲府

按鎮安於洪武二年改府見地理志及方輿紀要

帝命新建伯王守仁治之改帝命兩廣總督陶諧治之

按王守仁卒於嘉靖八年此係十四年事何以命守

仁治之是時陶諧總督兩廣據諧傳及明實錄明史

紀事本末改

田州傳

唐隸邕州都督府唐下增置田州三字

宋始置田州改宋因之

按新唐書田州開元中開蠻洞置則唐始置田州也

此云宋始置誤

後改田州剛田字



巡撫秦紘

巡撫改總督

按紘本傳時爲右都御史總督兩廣此云巡撫誤

獠亦自殺

按明史紀事本末土目黃驥李蠻發兵殺獠此云獠亦自殺與彼互異

沈希儀斬猛長子邦彥於工堯隧

隧改隘

按工堯隘在田州東一百二十里爲州險隘見一統志及唐荆川集此作隧誤

詔從富言

按富原疏又言宜降府爲州卽以猛子邦相知州事止選吏目一人佐之分設土巡司使各世其地則彼

此相防為便部議邦相止授判官俟其勞著而後授

之餘如富言見明實錄

帝命守仁亟為勘處守仁亟為改總督陶諧

按盧蘇作亂時守仁已卒時陶諧總督兩廣也

恩城州傳

巡撫秦竑請調兵剿之竑改

按本傳作紘

都康州傳

三十二年復置

按洪武止三十一年其三十二年乃建文元年也永

樂時革除建文年號故統稱洪武今本紀既列建文

年號傳中不宜仍循明時紀載之文

列傳第二百七 廣西土司三

泗城州傳

如不服

如下增仍

正德六年

改其明年

按正德年中事尙在後文此係正統六年其事本上下相承傳誤統爲德也上文已有正統元年領起此處不須複說正統

永樂初置長官司

初改中

按地理志上林長官司永樂七年置不得云初

正統元年泗城州岑豹侵據利州地

按泗城州傳內載正統二年豹攻利州掠其叔顏妻  
子財物此作元年彼此互異

龍州傳

宋置龍州隸太平寨改唐始置龍州宋仍之

按唐始置龍州隸安南都護府宋仍之改隸邕州太  
平寨則龍州乃唐置非宋置也此云宋置誤據唐書  
及方輿紀要改

鄭國公常茂以罪謫居壽州壽改龍

則謀於岑氏刪則字

岑氏恃兄子猛方兵雄兄子改姪刪方字

璋賂鎮守太監傅倫舍人舍上增及錦衣三字

御史楊旦討璋猛殺之

璋猛改  
韋璋

按楊旦所討者僅韋璋一人伏誅至岑猛於嘉靖五

年為姚鏌所誅歸順州傳沈希儀傳及明史紀事本

末蠻司合志並同何緣於正德年間旦得誅猛也

都御史蔡經屬副使翁萬達謀之

蔡改  
張

歸順州傳

以本州改隸布政司

按歸順改隸布政司在嘉靖初見地理志

向武州傳

文調右副將軍韓觀

右改  
左

按韓觀為左副將軍其右則都督宋晟也龍州奉議

兩傳並作左字此誤為右據明實錄及各傳改

思陵州傳

宋置屬永平寨

改唐始置  
宋仍之

按思陵州係唐置隸安南都護府見唐書此云宋置

誤

改乾寧安撫司為瓊州府

改改立  
瓊州府

儋州萬安軍俱為州

儋州下增南寧  
軍萬州五字

南建州為安定縣隸焉

安定改  
定安

按崖州為元吉陽軍所改儋州為元南寧軍所改萬

州為元萬安軍所改此誤脫南寧軍萬州五字而以

萬安軍屬儋州彼此舛錯定安縣誤作安定並據一

統志地理志增改

銘復率土黎洞首王賢祐

土改生

命賢祐為儋州同知惠存禮為萬寧縣主簿

寧改安

按萬安軍所屬有萬寧縣宋末已改萬寧縣為萬安

縣元仍名萬安明正統年裁永樂時猶存今仍舊稱

萬寧者誤據一統志改

瓊州知州王伯貞執不可

知州改知府

按洪武二年曾以瓊州為州其明年遂改府此作知

州誤據一統志地理志改

釀成今日南蛇之禍

按是時參議劉信勦南蛇敗績幸伏羌將毛銳率漢

達狼土兵十萬出儋州賊大潰斬殺幾盡見蠻司合

志

嘉靖十九年總督蔡經張蔡改

按張經傳於嘉靖十六年總督兩廣嗣以平瓊州黎加兵部尚書是嘉靖十九年兩廣總督乃張經非蔡

經也

諸黎盤居山峒居改

惟東南連郎温脚二峒温下增嶺字

必借二峒東江以分我兵勢江改訃刪以字

以達安定安定改定安

明史攷證攬逸卷三十九



明史攷證擴逸卷四十

長洲王頌蔚編集

列傳第二百八 外國一

朝鮮傳

漢末有扶餘人高氏據其地改國號曰高麗

按朱國楨朝鮮記戰國時屬燕秦屬遼東築長城自此起漢末公孫度開府行牧事於遼東并有其地三傳爲魏所滅晉永嘉之亂夫餘別種高璉侵據稱高麗

已爲唐所破東徙

按唐書高麗傳高宗總章元年拔平壤城禽高藏男

建等獻俘於含元宮分其地置都督府傳云爲唐所破蓋本此

元至元中西京內屬

按金大定時高麗臣趙位寵曾以慈悲嶺鴨綠江四十餘城內附世宗惡其叛逆不許見金本紀及續通鑑

三年正月命使往祀其國之山川

按是時奉使者爲禮臣徐師昊至五月乃至其國事

詳朝鮮記

顓被殺已久

殺改弑

十一年四月禍復命誼來貢

按禍復命誼來貢遵前約也時陪臣皆至言嬖臣洪倫弑顓仁人誅倫立禍明祖以殺中國命使其罪大非朝貢如約不免與問罪師乃賜敕遣歸之事詳大事記

權臣李仁人以辛朏子禍主國事

按朝鮮記以李成桂爲李仁人子然以傳考之則係異族觀後禮部議可見且此奏中上言權臣李仁人下言大將李成桂則國楨記當未可據

潛渡鴨綠江欲入寇

寇改邊

帝以表文語慢詰責之

按金世宗時朝鮮表賀稱進玉帶啟函但小石數枚

世宗以小國不與較至是人貢復雜空紙於表函中  
故特加嚴諭詳載大事記

正統元年三月放朝鮮婦女金黑等五十三人還其國

按此事在正統二年見明實錄

先是建州長童倉至慮其同謀擾邊

按李滿住乃建州指揮李顯忠之子顯忠本名釋嘉

努以功賜姓名見明實錄

綽命將禽獲五十餘人刪獲

命使調發朝鮮及野人女直兵野人女直改

開原瀋陽有寇入境寇改

係建州海西野人女直頭目李滿住等為嚮導野人改

天順三年

至

恐為中國患

天按天順初其國王與鄰部仇殺廷議遣給事中張寧

都指揮武忠往寧乃宣德威示禍福因請寧忠閱兵

忠挽強射雁應弦而落國人大懼服謝咎解兵詳見

大事記

建州衛野人

野人改諸部

今野人實係復讐

野人改諸部

孫遣中樞府知事康純統眾萬餘渡鴨綠潑豬二江攻

破九獮府諸寨

按潑豬江一統志及高麗志俱不載惟方輿紀要有

之云即黑龍江別名也至九獮府識大錄作兀獮

名俱不載他書考一統志鳳凰城外近朝鮮界有九連城故趾金時幹魯所築以捍高麗者或明時訛爲九獮而識大錄又訛作兀彌耳

遼東連年被寇

寇改兵

眈病篤以所生子幼命其兄故世子暉之子婁權國事按大事記載眈子病廢以兄子婁嗣與傳互異

婁奏建州野人

野人改諸部

侵擾邊境不已

侵擾改縱橫

婁奏小邦北連野人

野人改女直

天子初踐祚

祚改降

權臣李仁人誅倫萬生而立禍擢成桂爲門下侍中

按疏言成桂非李仁人子甚悉考原疏謂李仁人乃  
京山府吏長庚之裔

峒咨稱福建人從無泛海至本國者

按是時峒獲福清通番人馮淑等并貨物解遼東故  
有此咨事見朝鮮記

三十五年五月有倭船四自浙直敗還漂入朝鮮境

按嘉靖三十六年大內災峒上表奉慰且封子顛清  
爲世子

率舟師逼釜山鎮

按一統志釜山在朝鮮東萊州南二十一里西北夫  
國城千四百里濱大海與日本對馬島相望

遊擊史儒等帥師至平壤戰死

按明史紀事本末史儒師至平壤不諳地利且霖雨馬奔逸不止遂戰死

如松既勝輕騎趨碧蹠館敗退駐開城

按碧蹠館去王京三十里時如松馳至大石橋馬蹶幾斃倭猝至圍數重將士殊死鬪矢且盡倭前縛李將軍甚急裨將李有昇以身蔽如松刃數倭竟中鉤墮爲倭支解會楊元援兵至乃得潰圍出事詳明史紀事本末

詔小西飛入朝

按小西飛係倭使沈惟敬同來請款者見明史紀事



本末

乃檄楊元屯南原吳惟忠屯忠州

按時大學士張位請屯田開城平壤以資軍興朝鮮恐中國吞并以礮礮爲辭議遂寢見明史紀事本末

東阻鳥嶺忠州

鳥改鳥下同

按高麗志鳥嶺在慶州西北懸崖鑿削中通一綫爲朝鮮南道雄關此作鳥嶺誤

麻貴發兵守稷山

按稷山在忠州西與青山相近稷山之南卽天安郡城南下全州要道時倭陷全羅故貴守此以遏其鋒士卒物故者二萬上聞之震怒乃罷鎬聽勘

按是時鎬貴會同邢玠露布誑奏尉山大捷諸營上  
簿書士卒亡者二萬鎬大怒駁正止稱百餘人繼爲  
贊畫丁應泰所劾上震怒欲付法輔臣趙志皋方救  
乃罷鎬等聽勘見明實錄

四十七年

至

或降或戰死

按己未二月明帝命經略楊鎬統兵二十萬號四十  
萬分五路來攻朝鮮兵隸南路出寬甸口爲  
大  
兵敗於薩爾滸其兵將多降此征服朝鮮之始

欲略寬奠鎮江等處

奠改甸  
下同

四年四月封倥爲國王

按朝鮮記天啟五年編修姜曰廣給事中王夢尹奉

詔至朝鮮察鎮江軍情

期今冬大舉犯朝鮮犯改

七年三月至敵遂移兵攻麗矣

接天啟七年為我朝天聰元年維時大貝勒阿敏

貝勒濟爾哈朗等征朝鮮屢戰克捷遂克義州擣鐵

山又克安州至平壤城朝鮮國王遁江華島至崇德

元年遂平之立碑於駐軍地此為臣朝鮮之始

列傳第二百九 外國二

安南傳

傳其壻陳日炬

按陳日炬宋史作日照元史及識大錄吾學編作日

明別後四十一  
與此又作日炬諸書互異

取他道至江北府新福縣

江北改  
北江

按一統志有北江府朱睦㮮所撰張輔傳並作北江  
此因下文大發江北民而誤

設交州北江諒江三江建平新安建昌奉化清化鎮蠻  
諒山新平濱州又安順化十五府

按識大錄作十七府無濱州有升華又有太原宣化  
與此不同明史紀事本末王世貞紀葉向高志吾學  
編朱睦㮮撰張輔傳亦俱作十七府

及容貌魁岸便利

岸下贈語  
言二字

按吾學編容貌魁偉語言便利此脫語言二字

悉以禮敦致

刪悉字

於是張輔等

刪張字

由雲南征討

征改往

推簡定為太上皇

太改越

按張輔傳簡定已僭稱越上皇定本建國為越故以國號冠上皇也陳季擴別為一姓不當如前黎季犛之傳其子奩因自稱為太上皇也此作太誤

輔軍至父安上黃

上改土

按父安府所領有土黃縣獻徵錄輔傳作土黃此誤

土為上

進軍政和

和改平

按張輔傳進至政平州州為新平府所領此作政和

誤據一統志及輔傳改

有楊公院多者公改

按李彬傳作楊恭此誤恭為公

出據可藍堡堡改

知州琴彭死之州改

利在清化問之清化改

按王通傳及明史紀事本末並作利在父安是時清

化未破下文明言羅通不從則利何由得在清化也

惟清化知州羅通不從州改

命尚書卿凌信書改

按信以尙寶卿出使見明實錄此作書誤

時雲南鎮守中官錢能貪恣

按能在雲南私與灝通闌結諸蠻姦宄驛騷雲南幾

危巡撫王恕盡發其姦乃止見葉向高安南志

殺暕而自立

刪而字

暕臣都力士莫登庸

都下增齋字

按明史紀事本末莫登庸本都齋漁人有勇力下文

亦言移居都齋海陽則都齋係安南地名此脫齋字

頌蔚按明武備志都齋曰古齋本莫登庸故鄉無城

郭以鐵黎木作排柵三層爲外衛登庸所自居也徐

延旭越南輯略登庸父流寓安南海陽道宜陽孫古

齋社據此都齋一名古齋都齋屬海陽道下文應稱  
移居海陽都齋不應以都齋冠海陽之上又按越南  
輯略稱登庸有勇力黎暘以為都力士都力士似是  
官名此於都下增齋字恐非

乃其立暘兄灝之子諱

灝改

按識大錄灝生二子長暘次昭暘生敬誼昭生灝及  
滌灝又生二子曰椅曰椿滌即暘椅即諱也據此則  
諱為暘兄灝之子且暘本灝孫暘兄不應與祖同名  
也識大錄作灝最是

頌蔚按滌越南輯略作滌與明史同識大錄作滌當誤昭越南

輯略作琚本名

鑛思誠第五子

給事中謝廷蒞

蒞改

謝廷蒞



方瀛子福海嗣

按福海不能輯眾為黎寧所逐居南海上朝廷亦置  
不問久之福海子弘瀛復振卒逐黎氏有其國見明  
史紀事本末

茂洽敗奔喜林縣

喜改嘉

按一統志安南北江府領嘉林縣此誤嘉為喜

列傳第二百一十 外國三

日本傳

謂宜朝則來廷

廷改庭

豈蒙古齋耶

蒙古改良弼

按吾學編續文獻通考俱稱豈良弼齋耶似更明析

帝益嘉之遣鴻臚寺少卿潘賜

改帝益嘉其誠於是遣行人潘賜

按嚴從簡殊域周咨錄潘賜於永樂初以行人使日本歸進永樂大典頌及歸化書因擢禮部郎中賜以永樂二年成進士不應於四年即官鴻臚也殊域錄於八年弔祭源道義之使則為太監雷春鴻臚少卿潘賜吾學編亦同傳於序次時移潘賜後來之官位於其先而又不載八年使事殊為失實

明年正月又遣侍郎俞士吉

改明年春遣俞士吉都御史俞士吉

按士吉附載夏原吉傳宣德初方為南京刑部侍郎其出使日本時則僉都御史也獻徵錄並同此作侍

郎誤

十一月使臣清啟復來貢傷人於市改冬使臣清啟復來貢其下傷人於

按清啟復來貢之下應有其下二字義方明晰下文還至濟寧其下復持刀殺人蓋蒙此處傷人於市而言則爲脫落無疑

不能通攝能通作相統

由是浙閩大姓素爲倭內主者失利爲怨紈

按是時佛郎機米商至漳民畏紈厲禁不與通商人與漳民格鬪紈令都指揮盧鏜海道副使柯喬悉殺之御史陳九德核其專擅濫殺詔罷紈下鏜喬吏命給事王家楨卽訊如御史言鏜喬論死逮紈至京紈

自殺於是當事者以紘爲戒見識大錄

趨南陵遂達蕪湖

按賊自浙至南陵無阻之者蕪湖丞陳一道引軍來  
援賊手接我所射箭皆相顧愕貽一道麾軍與僕子  
義死之見識大錄

與其黨王激葉宗滿謝和王清溪等

按葉宗滿胡宗憲傳作葉碧川互異

直以爲信遂與宗滿清溪偕來

按宗憲令直自繫獄待命因以狀聞請姑許諸番貢  
市曲貸直等用繫番人心俾經營自贖御史王本固  
不可江南人洵洵言宗憲得倭人金宗憲恐乃易疏

言直等死在不赦廷議梟直而戍其黨見識大錄

又陷廣東銅鼓衛雙魚所

按兵志所載各衛所廣東有雙魚所其銅鼓衛轄於

湖廣不屬濱海

乃改國王所居山城為大閣

按吉自為大閣王見續文獻通考

陷朝鮮之金山

金改  
釜

以五月渡津

改五月  
渡臨津

按一統志朝鮮有釜山朝鮮傳亦作釜此誤釜為金

又渡下脫臨字

列傳第二百一十一 外國四

琉球傳

琉球居東南大海中

按琉球北史隋書作流求元史作瑠求隋大業時海  
帥何蠻羽騎朱寬並入其國又虎賁郎將陳稜朝請  
大夫張鎮州率兵自義安浮海擊之直至其都掠男  
女數千人而還見寰宇記隋書

遣官齎敕往勞

按洪熙改元宣德二年五年八年頻遣柴山使琉球  
因於福建海岸立廟作祀見殊域周咨錄

行人董守宏

董改童

按童守宏爲浙之天台人登正統七年進士見浙江

通志

十一年世子以國中臣民狀來上

按十一年尙清上言一統志載琉球有落滌王居壁

下聚鬪體事非實及杜氏通典星槎騰覽諸書皆妄

乞付史館詔從之見吾學編

隆慶中凡三貢三改四

按本紀元年二年三年五年琉球並入貢是四貢非

三貢

呂宋傳

稍怠輒鞭毆撻改

今雲南李鳳雲南改  
廣東

曹於汴於改

婆羅傳

又名文菜

菜改

按明實錄作文菜

麻葉甕傳

木綿

綿改

文郎馬神傳

民多縛木水土

縛改

明史攷證擴逸卷四十



明史攷證攬逸卷四十一

長洲王頌蔚編集

列傳第二百一十二 外國五

占城傳

改國號曰環

改改號曰環王

按新唐書至德後改號環王目錄中亦作環王則竟以環王為國號矣此脫王字

會同館副使路景賢

按吾學編作路貢賢

遣使往祀其山川

按是時使臣係翰林院編修羅復仁兵部主事張福

事在洪武二年見安南傳

十二年貢使至都

按洪武八年上以占城與瓜哇諸國貢使每至中國  
爲商多行譎詐詔禁阻之見嚴從簡殊域周咨錄  
四年貢白象方物復告安南之難

按四年敕廣東都指揮司選精兵六百由海道往占  
城會兵伐安南又遣中官馬彬齎敕賜鍍金銀印及  
金銀文綺等物占城旣出兵又遣中官王貴通往勞  
賜鈔幣見明實錄及殊域周咨錄

侵升華府所轄四州十一縣地

按一統志安南升華府轄二州十一縣與此互異

乃遣給事中管腫管腫改舒腫

按殊域周咨錄正使給事中舒某失其名獻徵錄吳惠傳云偕給事中餘姚舒某則傳所云管腫者誤也題名錄宣德八年進士舒腫為餘姚人與獻徵錄所云餘姚舒某其地其名確然相合而字書並無腫字應為腫字之誤

臣時年幼改臣時年方幼弱

遜位於舅氏摩訶賁該刪舅氏二字

按貴來為占巴的賴之姪賁該為占巴的賴之孫則貴來不應以賁該為舅氏傳內自相矛盾

命給事中黃汝霖行人劉恕封王弟槃羅茶全為王

按殊域周咨錄天順中命給事江彤行人劉寅之封  
槃羅茶全爲王與此互異

然自邦都郎至占臘

占改眞下同

按眞臘傳云宋慶元中改名占臘元時仍稱眞臘則  
明成化時不得稱占臘

東至海南至占臘

按宋史占城國東至海西至雲南南至眞臘北至驩  
州其地東西七百里南北三千里所統大小州三十  
八與此不同

五年

上增正  
德二字

命給事中李貫行人劉廷瑞往

廷改  
文

按劉文瑞爲正德辛未進士係廣東新會人占城使  
還擢刑給事此誤文爲廷據殊域周咨錄題名錄改  
請如往年古來故事刪古來  
二字

分晝夜爲十更

按吳惠使占城日記云夜鼓以八更爲節與此異

棋枰香獨產其地

棋枰改  
伽南

按伽南香出占城諸國見明會典此作棋枰誤

占城附傳

賓童龍

按宋史作賓陀羅

眞臘傳

永樂元年遣行人蔣賓興王樞以卽位詔諭其國

按殊域周咨錄永樂初遣御史尹綬往其國與此異

名曰百塿洲

按一統志作白塿洲

晝然鐙晝下增  
夜字

按隋書作晝夜然鐙

女子則額上翦髮如錢大刪則  
字

暹羅傳

二十年貢胡椒一萬斤蘇木一萬斤

按二十年貢本紀不載蘇木一萬斤殊域周咨錄作

十萬斤

中官牛榮縱家人私市

按牛榮與家人蔣義黃麟私自收買裝至南京又復  
匿稅爲南刑部尙書趙鑑查進入官蘇木三十九萬  
九千五百八十九斤胡椒一萬一千七百四十五斤  
榮又鬻緣內璫中旨給還原主刑部尙書林俊疏爭  
乃詔仍舊入官見殊域周咨錄

大楓子

楓改風

按周達觀眞臘記大風子乃樹之子本草云以治大  
風此誤風爲楓據本草綱目及殊域周咨錄改

瓜哇傳

瓜哇

按續文獻通考瓜哇又名蒲家龍

洪武二年太祖遣使以卽位詔諭其國

按洪武二年遣行人吳用顏宗魯詔諭其國見殊域

恩咨錄

前中官吳慶

尹吳改

按蘇門答刺傳中官尹慶使瓜哇成祖時出使中官  
並無吳慶傳蓋因上吳賓而誤也

瓜哇附傳

蘇吉丹瓜哇屬國

按蘇吉丹有王百餘歲能知吉凶見識大錄

日羅夏治



按獻徵錄殊域周咨錄俱作日夏羅治

三佛齊傳

由是商旅阻遏

按瓜哇既殺使臣三佛齊亦誘中國他使羈留不遣  
三佛齊扼諸蕃咽喉商舶不入其境輒出舟與之戰  
故其地爲商舶所湊而天朝之欲往海外者亦所必  
經自使臣被羈行者恐誅而道以不通番商遂絕見  
識大錄

成祖以行人譚勝受與道明同邑

按勝受爲臨桂縣丞以政最召爲監察御史降行人  
使還上以其能稱使擢浙江按察使見殊域周咨錄

明列逸四十一  
轄十五洲

按續文獻通考屬國有單馬合凌牙斯蓬豐登牙儂  
細蘭等國

下稱其上曰詹卑

按王號詹卑其人多姓蒲見續文獻通考

列傳第二百一十三 外國六

淳泥傳

命御史張敬之福建行省都事沈秩往使

按淳泥以金佩刀吉貝布贈秩秩辭之王曰中國使  
廉潔乃如是耶闍婆人來討索每無厭況強之而不  
受耶見殊域周咨錄

自十三年至洪熙元年四入貢三改

自占城四十日可至

按淳泥宋史言其去三佛齊四十日程去占城與摩  
逸各三十日程此言去占城四十日程與宋史異

滿刺加傳

洗日浴月光景融洗改

山居海伯翁扈從居改

鶴頂瑣服

按瑣服以鳥毳爲之紋如紈綺殊域周咨錄作瑣襖

男女椎髻髻改

蘇門答刺傳

老王弟蘇幹刺逃山中

弟改子

按老王弟蘇幹刺獻徵錄續文獻通考識大錄並作  
漁翁子鄭和傳亦云前僞王子此作弟誤

其使者至廣東有司驗無印信勘合

按成化二十二年番人馬力麻爲海商詭稱蘇門答  
刺使臣私通販易廣東市舶中官韋眷利其貨不究  
治之爲左布政陳選所發以姦抵罪則本非蘇門答  
刺所使不徒無印信勘合也與陳選傳互異

南渤利傳

南渤利在蘇門答刺之西

按南渤利續文獻通考作南渤里吾學編作南泥里

又云或言卽南巫里諸書互異

近山淺水內生珊瑚樹

按續文獻通考帽山近海水內生黑珊瑚樹大者高二三尺如墨之黑如玉之潤有枝婆娑

佛郎機傳

其人無所獲利則整衆犯漳州之月港浯嶼泉州改

按一統志月港爲漳州所轄浯嶼爲泉州所轄兵志並同此作漳州誤

和蘭傳

卽駕二大艦直抵澎湖時三十二年之七月

按元末於澎湖置巡司明洪武二十年盡徙其民廢

巡司而墟其地嘉靖中爲海寇曾一本所據以萬厯  
二十年倭犯朝鮮增設戍兵未幾卽廢而一統志載  
紅毛闖入之時乃在三十七年與此稍異

列傳第二百一十四 外國七

古里傳

偕柯枝南淳利甘巴里滿刺加諸國入貢  
淳改渤下同

按本傳及他傳引俱作渤

輕者斷手足重者罰金珠  
輕重互改

柯枝傳

柯枝國遠在西南距海之濱  
距改鉅

按柯枝在大海之中不得有濱可距獻徵錄作鉅不

誤

錫蘭山傳

錫蘭山或云即古狼牙修

按錫蘭山一統志言自古不通中國此言或云即古  
狼牙修梁時曾通中國據梁書天監十四年狼牙修  
入貢其國在南海中此則言在西洋且所紀風俗亦  
與狼牙修稍異

惟啖魚蝦及山芋波羅密芭蕉實之屬

密改

榜葛刺傳

左右設孔雀翎繖蓋百餘

至

王飾八寶冠箕踞殿上高

座繖改

按續文獻通考列孔雀翎扇蓋數百此作繖蓋繖與蓋義嫌相複續通考又云王正殿高座嵌八寶不以八寶飾冠也亦與此異

麻林傳

麻林去中國絕遠

按麻林殊域周咨錄作麻刺永樂初其王哇來頓本率其臣來朝至福州卒詔諡康靖

忽魯謨斯傳

所貢有獅子麒麟駝雞福祿靈羊

按福祿識大錄作福鹿云似駝而花文可愛與此不

同



南巫里傳

南巫里在西南海中

按南巫里或云即南泥里隸淳泥自蘇門答刺行三晝夜可至東距黎伐西北距海南連大山山南際海僅千餘家皆回回人見識大錄

加異勒傳

加異勒西洋小國也

按加異勒居人不及千家貧窶乏食常備鄰國見吾

學編

和復賜其國

賜改使

拂菻傳

拂菻卽漢大秦

按拂菻一曰海西國見新唐書

列傳第二百一十五 外國八

韃靼傳

時元主奔應昌其將王保保據定西爲邊患

按王保保卽擴廓特穆爾本名見本傳

諡元主曰順帝

按是時國人諡元主曰惠宗見歷代建元考

大將軍達由中路出雁門戰不利

按是年五月達與擴廓兵遇於嶺北中伏大敗死者

數萬人見明實錄及擴廓本傳非僅不利也

達等尋召還

按是年七月湯和又敗於斷頭山見開國臣傳

洪武十一年夏故元太子愛猷識理達臘卒

按愛猷識理達臘在位十一年建元宣光其卒也國  
人諡曰昭宗嗣子卽位改元天元見高麗志

已將脫去爲鄭國公常茂所傷

按是時納哈出意中變顧其下咄咄語鄭國公常茂  
麾下有曉蒙古語者以告茂茂乃抽刀直前斫之後  
馮勝以激變咎茂茂亦以行軍貪淫不律許勝明祖  
收勝總兵印而謫茂茂龍州見開國臣傳

五傳至坤帖木兒咸被弒

按朔漠圖考稱坤帖木兒以建文三年卒不言其被  
弑與此互異

驥被殺

按郭驥被殺乃永樂七年事見明實錄

遇王子也先土干率妻子部屬來降

按也先土干係蒙古王子與脫懽之子也先異派時  
隨阿魯台北走爲其所忌故率屬降見本傳

圭遇敵於固原川

川改州

按圭之敗敵在固原州見獻徵錄考之本傳亦同此

作固原川誤

明年敵擁衆入大同寧夏境

明年改十三年

按王杲敗績在弘治十三年見本紀傳類敘於十  
年之下曰明年是誤爲十二年事矣

十三年冬

改是年冬

太監苗達監軍

按是時監軍太監爲扶安見明實錄與此互異

明年景皇帝自監國卽位尊帝爲太上皇帝

明年二字移太上皇帝

帝下

按景帝卽位尊英宗爲太上皇在正統十四年九月  
英宗之歸則在景泰元年此云明年景皇帝自監國  
卽位與明實錄不合

未幾爲所部阿剌知院所殺

未幾改景泰五年

按也先為阿剌所殺乃景泰五年十二月事見明實錄此云未幾敘事稍混

景泰六年

刪景泰二字

都督周顏

改僉事周賢

按明實錄天順三年正月孛來入安邊營僉事周賢

指揮李鑑戰死此作都督周顏誤

敗之於金谿峪

谿改雞

按識大錄楊信敗孛來於金雞峪信傳亦作雞此誤

劉瑾用事監軍皆闖人一清不得職去

按是時一清方議築邊牆修墩堡武宗已允其請發帑金數十萬後因劉瑾憾之引疾去僅修築四十里

而已見獻徵錄及本傳

帝幸陽和親部署督諸將往援

按是時明武宗方以江彬言出游宣府遂至陽和非  
因禦北兵而去也此敘次未晰

俺答下石嶺關趣太原

按是年三月俺答掠蘭州參將鄭東戰死見明實錄  
俺答犯延綏及大同

按是年俺答先略松子嶺守備張文瀚戰死見明實  
錄

既而帝意中變

按是時嚴嵩與陸炳相比傾言發其與邊將書稱關

節故河套之議中變見明實錄及闡黨傳

總兵李涑戰死

按是時戰死者尙有參將馮恩見明實錄

參將趙傾葵李光啟丁碧先後戰死

按明實錄是年參將李光啟被執不屈死此云戰死

互異

秋復入大同右衛境

按是年三月吉囊同時犯延綏副總兵陳鳳戰死見

明本紀

秋總兵楊照敗死

按楊照因襲敵廣寧塞外戰死見明實錄



自是敵數入成梁等數敗之

按明實錄萬厯九年土蠻犯錦州游擊周之望敗沒旋為李成梁擊走

總兵李如松遠出擣巢死之

按如松以中伏而敗事在是年四月見明實錄

而以把漢比吉素效恭順

改而以巴噶妻必濟素效恭順

按必濟為巴噶柰濟之妻即俺答先為之娶者也此作把漢比吉誤以夫婦二名合為一人

而虎已卒

改胡土克圖已卒

按胡土克圖即林丹汗以

大兵入境西奔走死

於打草灘見

實錄蓋元裔之稱汗至此乃絕

實與明相終始

明未亡而插先斃諸部皆折入於

大清

按

實錄

太宗文皇帝天聰六年平察

哈爾維時爲明崇禎五年

列傳第二百一十六 外國九

瓦刺傳

馬哈木等遣暖答失等隨亦刺思來朝貢馬

按來朝貢馬並貢貂裘珍異事詳王世貞衛拉特志  
帝旣自將擊破本雅失里及阿魯台兵

按明史紀事本末及獻徵錄識大錄云永樂七年遣  
給事中郭驥使本雅失里見殺上大怒敕淇國公邱

福等討之而本雅失里已爲瓦刺所襲破

三部埽境來戰

按三部埽境來戰時寧陽侯陳懋豐城侯李彬領左  
右哨成山侯王通都督譚清領左右掖都督劉江朱  
榮爲前鋒事詳明史紀事本末

馬哈木等脫身遁

按明史紀事本末云馬哈木乘夜北遁時瓦刺雖大  
創去而殺傷亦略相當夜二鼓上還帳中

瓦刺與阿魯台戰敗走

按明史紀事本末十四年阿魯台遣使奏戰敗瓦刺  
獻所俘人馬特賜宴勞彩幣

自是瓦剌復奉貢

按衛拉特志及明史紀事本末識大錄初阿魯台爲瓦剌攻敗窮蹙遣使奉表稱臣貢駝馬上言馬哈木滅本雅失里之罪請討之明成祖以阿魯台來歸非其本心然嘉其義封爲和寧王瓦剌怨朝貢不至已久至是復奉貢

復致書宣府守將楊洪

按識大錄洪守宣府有威名也先敬服之歲私餽也先鐵簇也先喜故致書欲見

瓦剌使來更增至三千人

按識大錄十三年瓦剌遣使貢馬爲聘此僅言使來

未詳何事並未詳年分下文僅得五之一識大錄作不及五之一亦微異

上皇行也先與部眾皆送約半日程

按識大錄也先與部眾皆送約半日程惟伯顏獨遠  
與此互異

朶顏福餘泰寧傳

遂盡割大寧地畀三衛以償前勞

按王世貞三衛志及識大錄既割地與之復歲給牛  
具酒食布帛良厚自是其部落益蕃

宣宗初三衛掠永平山海間帝將親討之

按三衛志及識大錄宣德三年宣宗出巡邊駐蹕遵

化適其眾萬餘入寇宣宗以鐵騎三千分兩翼擊之  
手射其前鋒三人斬其酋渠

命成國公朱勇偕恭順侯吳克忠出喜峯

按三衛志命朱勇分勦時詔發兵二十萬分四軍

興安伯徐亨出界嶺都督馬亮出劉家口

按三衛志馬亮出界嶺口徐亨出劉家口與此互異  
都督陳懷出古北

按獻徵錄陳懷出古北口踰灤江渡柳河經大小興  
州破福餘於全寧破泰寧朶顏於虎頭山擄男婦以  
千計馬牛羊以萬計

其頭目把當亥率眾寇大清堡總兵馬永擊斬之

按三衛志馬永爲薊帥有威信三衛畏而親之  
薊遼總督何棟

按獻徵錄仇鸞知三衛弱欲發兵擣其地以爲功督  
臣何棟以不可宛轉解乃止

明史攷證攢逸卷四十一



明史攷證擴逸卷四十二

長洲王頌蔚編集

列傳第二百一十七 西域一

哈密傳

去嘉峪關一千六百里

按王世貞哈密志作一千五百里

乃封爲忠順王賜金印

按哈密志及識大錄賜忠順王金印時其地置赤斤蒙古罕東安定阿端曲先諸衛凡西域天方等三十六國貢使至者悉由哈密譯文

又以周安爲忠順王長史劉行爲紀善輔導

按哈密志及識大錄係脫脫嗣爵時事此叙於被逐還王後互異

封其子倒瓦答失里爲忠順王

按獻徵錄及識大錄云倒瓦答失里其別號也本名哈里素勒坦

四年王卒無子母弩温答失里主國事

按哈密志卜列革嘗乞朝服束帶母妻冠袍及兵器諸物詔下有司予王朝服母妻冠餘勿許隨以王母弩温答失里請先後賜乘轎洗盆金箔茶香及諸藥物甚夥

初國人請立把塔木兒以王母不肯無王者八年

按哈密志王母不肯以其非族類不宜立蓋把塔木  
兒者忠義王脫歡帖木兒外孫也

土魯番速檀阿力乘機襲破其城

按哈密志及識大錄云滿速兒阿力約王母同掠赤  
斤蒙古王母不從因乘機襲破其城執王母

土魯番阿力已死而其子阿黑麻嗣爲速檀僞與罕慎  
結婚誘而殺之

按哈密志及識大錄時罕慎貪而殘失衆心阿黑麻  
已壯曰罕慎畏兀兒種也非脫脫貴族安得王王哈  
密當我因好語罕慎曰吾與爾姻罕慎喜許阿黑麻  
使罕慎頂經結盟而從後殺之

五年春立陝巴爲忠順王

按傳內所稱奄克孛刺者畏兀兒大頭目阿木郎者哈刺灰大頭目寫亦虎仙者回回大頭目詳識大錄且僭稱可汗

按阿黑麻自稱汗略罕東諸衛聲取甘州於是戍其使四十餘人詳獻徵錄

進偕大將劉寧等潛師夜襲牙蘭逸去

按獻徵錄阿黑麻留其將牙蘭守哈密時精兵不過四百許進劉寧謀知之乃以三千騎襲破哈密獲陝巴妻女并牛羊三千宥其脅從者八百人

命都御史彭澤往經略

按哈密志彭澤督師往討時鄧璋爲總制給事御史言兩師並置莫適任也宜罷遣不聽

先是寫亦虎仙與子米兒馬黑木壻火者馬黑木及其黨失拜煙答俱以內應繫獄

按識大錄寫亦虎仙等以內應繫獄時賊至城中軍士皆出戰諸番果欲爲內應陳九疇不得發乃戮其懈守者數人搜諸通謀者百二十餘人皆繫之

世宗嗣位楊廷和以寫亦虎仙稔中國情實歸必爲邊患

按哈密志世宗嗣位給事御史劾王瓊挾私忌功廷和爲內主乃逮瓊戍之起彭澤爲兵部尙書出陳九

曠於獄爲甘肅巡撫

嘉靖三年秋擁二萬騎圍肅州分兵犯甘州九曠及總兵官姜奭等力戰敗之

按識大錄滿速兒寇甘肅時陳九曠與姜奭趙鎮等敗之夜間道行抵肅使人結瓦刺內外夾攻又敗之甘肅巡撫唐澤亦以哈密未易興復請專圖自治之策按唐澤與劉濂嘗疏曰今之處土魯番與哈密迹有已然理有當然撫之以恩則驕滋震之以武則力屈此已然之迹也順則綏之而備愈嚴逆則禦之而武毋黷此當然之理也詳哈密志

火州傳

宋時回鶻居之

按廣輿記火州其地有回鶻居故又名回鶻其地多山青紅若火

按廣輿記及皇輿考火州有火燄山山中嘗有煙氣湧起如雲霧至夕光燄若炬照見禽鳥皆赤采

土魯番傳

天子亦數遣官獎勞之

按識大錄永樂七年陳誠至其國遣使朝貢五年都指揮僉事也先帖木兒來朝

按識大錄宣德五年萬戶賽音特穆爾與火州王哈克繖柳陳城萬戶幹齊爾俱貢馬及玉

列傳第二百一十八 西域二

西番諸衛傳

萬厯二年冬許丙兔市於甘肅賓兔市於莊浪

按馮時可俺答志及明史紀事本末云市於甘州爲  
大市市於莊浪爲小市

李自成遣將陷甘州獨西寧不下

按明史紀事本末云賊殺甘民四萬七千餘人西寧  
衛尙堅守

安定衛傳

遣官厚賚其王

按厚賚謂賜以織金文綺也詳獻徵錄及識大錄



而分其地爲阿端阿眞若先帖里四部各賜以印  
按識大錄賜四部印時並賜卜煙帖木兒銀印  
生禽七十餘人

按獻徵錄作七百餘人

安定遂殘破部衆散亡

按獻徵錄及識大錄云部衆散亡內徙嘉靖間復令  
部酋嗣爲指揮領其衆然安定王後無傳而阿端久  
沒莫知其處矣

曲先衛傳

卽令三卽爲指揮使掌衛事散卽思副之

按獻徵錄及識大錄掌衛時並給印章

赤斤蒙古衛傳

漢燉煌郡地

按廣輿記皇輿考及獻徵錄識大錄俱云漢酒泉燉

煌二郡地

都督濮英西討次白城

按廣輿記及獻徵錄云其地有白山最大多草木禽  
獸

用侍講楊榮言止兵勿進

按止兵之計時豐城侯李彬亦與焉詳獻徵錄

天子諭以土地不可棄令樊率頭目圖自強

按諭曰也先求婚朕向許爾父自擇使計不中阻顧

受聘非宜往而見詐悔將何及赤斤爾世守地奈何  
棄之爾第保險綏衆善自備朕且命邊將緩急爾矣  
詳獻徵錄

仍遣瑣合者還甘肅

按遣還甘肅係十一年事見獻徵錄

敕責阿速令縛獻犯者

按景泰元年阿速以禽叛寇功晉都督同知諸部下  
陞賞有差事詳獻徵錄及識大錄

五年也先益圖兼并遣使齎印授阿速脅令臣服

按獻徵錄也先遣使並以書誘赤斤諸衛阿速白其  
書上命守臣遣人諭阿速毋與瓦剌通

沙州衛傳

七年又奏旱災敕於肅州授糧五百石

按獻徵錄明宣宗語部臣曰救災恤患朕固不吝然  
勞內以事外非計其命肅州具糧五百石使困卽來  
自取

九年困卽來卒

按獻徵錄困卽來卒朝廷以困卽來受職四十餘年  
朝貢頗恭官爲祭賻

帝念其父兄恭順免死徙東昌

按獻徵錄時喃哥率部屬二百餘戶一千二百三十  
餘人來歸命居之山東平山東昌二衛

罕東衛傳

永樂元年偕其兄答力襲入朝

按入朝共十六人緣貢馬而來事詳獻徵錄及識大錄

哈密都督李文西征罕東以兵來助

按罕東以兵來助緣李文奉命調罕東兵故來助也  
事詳獻徵錄

列傳第二百一十九 西域三

烏斯藏大寶法王傳

烏斯藏在雲南西徼外

按識大錄及廣輿記皇輿考烏斯藏其屬百餘種散

處河湟江岷間唐初爲吐番所并

元世祖尊八思巴爲大寶法王錫玉印

按續通鑑綱目賜玉印時並令總統天下釋教

冬元帝師之後鎖南堅巴藏卜至並遣使乞玉印

按識大錄洪武六年並以元國公等爲都指揮同知  
宣慰司招討使等官

永樂元年命司禮少監侯顯僧智光齋書幣往徵

按永樂三年往徵四年將至而識大錄又云往返五  
年乃至與此互異

帝延見於奉天殿

按明成祖躬自行香時聞梵唄空樂自天而下學士

胡廣等獻聖孝瑞應歌詳識大錄

命建普度大齋於靈谷寺

按建普度大齋於靈谷寺時並建大法壇詳識大錄  
帝惑近習言

按識大錄係烏斯藏使綽爾吉鄂則爾之言也

大慈法王傳

其徒爭欲見天子邀恩寵

按識大錄其徒有曰司空曰司徒曰國公皆佩金印  
既而武宗蠱惑佞倖

按識大錄明武宗信佛給番僧度牒至三萬之多

闡化王傳

成祖嗣位遣僧智光往賜

按識大錄成祖常欲建壇雞鳴山之陽超度妖厲迎取烏斯藏有道僧登壇作法有天雨寶花之異

闡教王傳

正德十三年遣番僧領占劄巴等

按識大錄正德時明武宗習僧門自號大慶法王被服如番僧建僧寺於西華門內悉封諸國師予誥命於是法王佛子禪師國師之號充滿京師

尼八刺國傳

在諸藏之西去中國絕遠其王皆僧爲之

按識大錄明時自岷以南至松潘威茂各建僧寺番



族叛亂仇殺遣沙門諭之卽頂經設誓而散諸番來  
貢多至千餘亦惟僧人是遣

朶甘傳

乃改朶甘烏斯藏二衛爲行都指揮使司

按行都指揮使司係洪武七年所改詳明實錄

命僧置朶甘思宣慰司及招討等司

按招討司朶甘思部落也初附本司進貢襲職成化  
後始專達詳識大錄

長河西魚通寧遠宣慰司傳

今魚通九枝疆土及嚴州雜道二長官司

按識大錄云雜道長官司河西部落也初附本司進

貢每貢僧徒百人成化十六年始專達隆慶三年定

三年一貢

董卜韓胡宣慰司傳

因言唐時吐番求毛詩春秋至明皇從之

按識大錄係余子俊上疏之語與此互異

遣國師貢珊瑚樹氍毹甲冑諸物

按識大錄及廣輿記其地重兵死以累世戰歿者爲  
甲門敗懦者垂狐尾於首以示辱

隆慶二年董卜及別思寨貢使多至千七百餘人

按識大錄云隆慶三年定每貢千二百七十四人孝  
宗時又有新招撫土草坡克州等寺寨附屬本司

列傳第二百二十 西域四

撒馬兒罕傳

帖木兒首遣回回滿刺哈非思等來朝貢馬十五駝二  
按識大錄云來朝貢馬駝及海青此僅言貢馬駝  
帖木兒貢馬二百

按識大錄作千二百匹

至是帖木兒死其孫哈里嗣乃遣使臣虎歹達等送安  
還

按傳安二十八年至其國被留至永樂五年還識大  
錄云永樂七年陳誠至其國不入貢上使禮科都給  
事中傳安與御史姚臣往征之以官軍千五百人往

撒馬兒罕怒拘留安等至洪熙元年王乃奉表入貢  
送安歸與此互異

獨巡按御史陳瑤論其糜費煩擾請勿納禮官議如其  
言

按禮官復言入貢從甘肅如涉海而來則勘合印信  
皆屬虛文矣抑臣慮其習知海道而生意外之變望  
遣行人敕諭國王自此貢從故道入語詳識大錄

十一年偕天方土魯番入貢

二改

按本紀及天方傳俱作十一年此誤又本紀云嘉靖  
八年撒馬兒罕入貢

工巧過於哈烈

按識大錄云撒馬兒罕在哈烈東

別失八里傳

別失八里

按別失八里即伯實巴里識大錄云伯實巴里在沙

州西去肅州西北三千七百餘里

從其部落西去

徙從改

宣德元年帝嘉其尊事朝廷遣使賜之鈔幣

按識大錄云更國號曰伊塔巴爾時烏蘇又與其子

薩圖治兵相攻宣宗敕示以教育子孫之道

哈烈傳

尋復遣使隨貴貢駝馬玉石

按識大錄貢駝馬玉石係正統二年事與此互異  
居喪止百日不用棺

按皇輿考云哈烈其俗服色尙白喪事易青飾壁以  
金銀

八答黑商傳

浮屠數區壯麗如王居

按回部向不崇信佛教傳云浮屠數區及火刺札等  
傳所載敬僧重僧云云並係沿誤蓋明時西域諸國  
不過羈縻或遣使招致故所言城郭風俗大半得之  
傳聞未爲核實

于闐傳

遣使者貢玉璞

按識大錄貢玉璞係永樂七年事又按永樂十二年陳誠至其國亦見識大錄

桑麻黍禾宛然中土

按于闐俗喜浮屠好歌舞尊卑禮節有中土風詳識大錄

討來思傳

有布縷毛褐

按獻徵錄討來思之地人盡以雜布爲衣

阿速傳

夜鮮寇盜

按獻徵錄此地竟無寇盜

遣使貢馬及方物

按遣使貢馬時共百二十人來朝詳獻徵錄

沙哈魯傳

永樂中遣七十七人來貢

按沙哈魯自唐貞觀中一入貢後直至永樂中始貢  
詳獻徵錄又按七十七人獻徵錄作七十二人

王及臣僚處城中

按獻徵錄有學校及將軍功曹參軍州郡縣諸官

天方傳

其國王亦遣陪臣隨朝使來貢



按識大錄云宣德七年國王以獅子麒麟貢又遣使  
貢馬時共百二十人來朝詳獻徵錄

嘉靖四年其王亦麻都兒等遣使貢駝方物

按本紀嘉靖二年八年天方均入貢

寺分四方每方九十間

按識大錄寺每方九十間層次如塔中有黑石方丈  
餘曰漢初天降也

默德那傳

國中有經三十本凡三千六百餘段

按皇輿考云經三十藏凡三千六百卷

大類中土

按識大錄云大類江淮間

其織文製器尤巧

按識大錄云其俗並工雕鏤

魯迷傳

遣使貢獅子西牛

按嘉靖三年所貢尙有西狗西馬珊瑚珠玉等物詳  
識大錄

明史攷證攬逸卷四十二

先君子於光緒中葉在方略館物色得明史考證稿本  
進呈本正本三種輯爲明史考證攜逸四十二卷歲丙  
辰劉翰怡京卿刊入嘉業堂叢書以行於世按東華續  
錄乾隆四十年五月 諭令改正明史譯名四十二年  
五月復 諭令英廉等將明史本紀逐一考覈添修以  
次繕進則考證之作當先從本紀入手乃今所存者僅  
列傳之考證本紀無之按之乾隆四十二年 諭旨情  
事未合意者本紀考證先經成書另儲他所遂致散佚  
無可蹤跡歟今春見夏閏枝太守謂 文津閣四庫全  
書已移置京師圖書館其明史附有考證烈聞斯言以  
爲全書皆有考證亟思一讀秋閒入都因赴館先取本

紀閱之並無考證志表亦然閱至卷一百十六始附有

考證乃知此卽先君子所見之正本以附於各卷之

末者也於是將攬逸所載與之逐條互勘則二書互見

者十之六七攬逸載而閣本缺者十之三四閣本有而

攬逸不載之條數亦如之惟皆係某某等書俱無

考或某事並見某傳卽本史較此爲詳之類大都空衍

無關宏旨先君子編輯時刪棄之耳就中選得有關

考訂者三十餘條錄爲一卷以補攬逸所遺烈聞父老

言文津閣藏書校勘不若文淵之精此次檢讀明

史不乏譌誤其說信矣然各卷所附考證則繆誤尤多

竟似未經校勘者且考證與本書似非同時繕錄而爲

後所增入者蓋考證各葉其板匡大率比本書略高又每冊末葉所蓋 太上皇寶及 避暑山莊寶有

在本書之尾而不在考證末葉者又有此卷之考證誤

裝在他卷之末者卷二百七十一二兩卷之考證皆誤裝在前卷之末又卷一百

四十三至四十五卷一百五十卷二百三十三至四十

二卷二百五十三至六十二均不附考證然攬逸所載

修改之條本書中文字往往已經改正如陳思賢傳之吳性原已改爲

伍性原程通傳高巍傳之類是此數卷繕錄時並非未見

靖難均已改爲燕兵之類考證特未將考證附於卷末耳凡此皆爲閣本考證乃

全書繕畢後增入之證也至於閣本卷數實爲三百三

十六與通行本無異作三百六十卷者特浙江局刊簡

明目錄之誤近時坊本亦有沿浙局之誤者廣州局所刊簡明目錄即

作三百三十六卷與提要所載卷數相符邵氏沿浙局

刊本之誤失於校正而望文生義謂豈添列三藩事蹟

增多二十四卷遂使後之人益滋疑竇矣要之得 文

津閣本披讀後知明史卷數並無更改 先君子所輯

列傳考證遺漏甚少足為完書卷一百十五為興宗睿宗列傳篇幅無多大約

本無考證特本紀志表之有無考證尚為疑案倘得 文淵

閣本讀之庶可一析此疑歟歲在辛酉重九日長洲王

季烈識於析津寓廬之牆東避世居

明史考證攬逸補遺

嘉業堂叢書

長洲王季烈君九

列傳第十

郭子興傳

未幾發病卒

按郭子興卒在至正十五年三月見本紀

列傳第十七

傅友德傳

友德以五十騎衝卻之因夜襲其營

按友德襲庫庫營開國臣傳明書皆作五百人

列傳第十八

吳良傳

二十八年有罪調廣西

按高之調廣西明功臣封爵考明書開國臣傳識大錄均祇云有罪不詳其坐累之由考是年大誅藍黨或詞連吳良因罪及其子耶

列傳第二十二

何文輝傳

金剛奴後無考

按金剛努或卽當時色目人之散在江淮者太祖初起兵招羅豪俊未必皆鄉曲舊人

蔡遷傳



破蠻子海牙水寨及陳埜先皆有功

及改禽

按太平之戰陳額森被禽見本紀及張德勝傳

列傳第三十七

夏原吉傳

交趾平

按交趾請降廷議疑其詐也更欲興兵討之原吉日  
兵疲矣譬如癱伏於身未潰則憂不測已潰則宜進  
和平之劑候血氣調和自愈若惟攻之心腹內虛復  
生他患不若因其請降許以復國自新三楊議亦同  
遂偃兵息民天下賴之見王鏊所撰原吉傳

列傳第四十二

張輔傳

禽其帥五十六人

按明史紀事本末云斬賊將阮山禽僞將潘經等數  
十人

列傳第四十四

毛忠傳

禽僞少師知院

按僞少師原名哲卜尊巴勒固僞知院原名奇徹岱  
見獻徵錄

列傳第六十四

呂原傳

原時至墓慟哭

墓改殯所

按上文既云厝於景則不當稱墓矣

奉母南歸

刪南字

列傳第七十三

李介傳

復官巡撫順天

復官改昆復

按瓊得罪下直接復官詞意未明

列傳第七十四

韓文傳

中貴督太和山

貴改官

楊守隨傳

雖遇赦免亦不得免亦不得改

贊

夫以外攻內勢所甚難況相權之輕遠異前代雖抱韓琦之忠初無書敕之柄區區爭勝於筆舌閒此難必之剛明之主而以望之武宗庸有濟乎一擊不勝反噬必毒消長之機閒不容髮宦豎之貽禍烈也吁可畏哉改文等奮然抗疏搏擊冀除君側之惡其事會方有可乘惜武宗庸闇致令羣闇得以逞心反嚙終至正人去國逆譏益張反覆之機實為閒不容髮而諸臣力陳大計忠悃激發事雖不行其視李東陽之緘默取容者相去遠矣

按原贊議論未當所引韓琦任守忠事比擬亦不合  
列傳八十二

孫交傳

守珠池中官詔毋得預守土事

按交嘗論安陸皇莊租課宜付有司不報見獻徵錄  
列傳八十七

太平知州李濬

按太平州洪武初以土官李以忠歸附命其後世襲  
知州見土司傳

列傳九十三

張經傳

倭屯嘉興

按合戰時倭屯松江柘林者盈二萬詳俞大猷傳

列傳第一百四

馮琦傳

奸人之奏

按奸人原疏作高時夏載君恩見北海集

烈按載疑戴之誤

顧錫疇傳

請正從祀位

按希孟所請正從祀位謂十哲中宜進有若南宮适而退冉有宰我先儒則宜進諸葛亮狄仁傑范仲淹也見陳鼎所撰希孟傳

列傳第一百八

李汝華傳

多所糾摘

考本史如何源黃弘憲王學書李長春韓世能王基  
姜璧諸人皆爲所論罷去

福王莊田四萬頃至僅減四之一

按福王傳云下詔賜莊田四萬頃所司皆力爭常洵  
亦奏辭得減半非僅減四之一也

列傳第一百十四

邱橐傳

往籍張居正家

按是時御史羊可立追論居正構遼庶人憲櫛獄庶  
人妃因上疏辨寃帝遂命橐等往籍之並勘構憲櫛

狀見明實錄

列傳第一百十八

汪若霖傳

詔從巡撫趙用賓言

趙改陳

按梁永傳作用巡撫陳用賓議又考本紀萬厯三十年治雲南失事諸臣罪巡撫都御史陳用賓下獄論死則此作趙誤

列傳第一百三十二

左光斗傳

奏劾忠賢

至

三十二斬罪

按光斗所劾忠賢等三十二斬罪爲屬稿未上之疏



故明實錄諸書俱無考

列傳一百三十九

徐光啟傳

光啟爲監督

按是時光啟並舉南太僕卿李之藻同修厯法見厯志

列傳第一百五十六

曹文詔傳

王承恩圍之

按王承恩圍之謂敗賊於鄜州也本紀作四年七月事與此互異

列傳第一百七十六

唐時升附傳

謙益最重其時稱曰松圓詩老

二句刪

按謙益之言亦不足為定評

艾南英傳

錢謙益負重名

負改竊

列傳第一百七十九

張銓傳

軍大潰

按是時蒙古諸部大饑多入塞應泰乃下令招降歸者日眾處之遼瀋二城天啟元年  
大清兵攻之

總兵官賀世賢等力戰敗還明日降人內應城遂破  
見應泰傳

列傳第一百八十二

簡仁端附傳

其護衛辛譟至斬關出奔

按王出奔後旋爲自成所執遇害並屠平涼見諸王  
本傳

列傳第一百八十三

劉士斗傳

御史劉之勃薦爲建昌兵備僉事

按綏寇紀略勃作渤

見之勃與張獻忠語

按之勃被執賊以同鄉欲活之之勃不屈縛於端禮門攢矢射至死罵不絕口見之勃本傳烈按之勃傳祇云之勃大罵賊攢箭射殺之並無縛于端禮門至死罵不絕口等語

列傳第一百九十三

梁永傳

山西稅監孫朝劾降夏縣韓薰

按程紹傳李戴傳俱作山西稅使張忠以夏縣知縣韓薰忤已奏調僻地與此互異考張忠係礦監而非稅監且忠所劾者爲夏縣知縣袁應春而非韓薰自是紹戴二傳之誤

魏忠賢傳

矯中旨召用例轉科道 至大理丞

按其時擢爲京卿者尙有被察之徐大化科道復故官者尙有王志道見霍維華傳

列傳第一百九十九

松潘衛傳

二十六年復命何卿往鎮

按卿以功進都督同知素有威望爲番人所憚自茂迄松潘龍安夾道築牆數百里行李往來無剽劫患先後在鎮二十四年軍民戴之見一統志

宣德九年陞龍州爲宣撫司 九改七

按一統志及地理志俱言宣德七年陞龍州爲宣撫司此作九年誤

列傳第二百一

臨安傳

思陀甸

按思陀地理志作思陀考一統志及蠻司合誌皆作陀乃地理志之誤

列傳第二百六

太平傳

結倫州舊名邦兜

邦改那

按一統志及土夷考均作那兜

列傳第二百八

朝鮮傳

二十七年四月以平倭詔告天下

按時論征東功首陳璘次劉綎次麻貴而董一元始  
破三寨終埽諸巢功亦足錄邢玠萬世德等進秩有  
差楊鎬以原官敘用棄師楊元通倭沈惟敬則先後  
棄市見明實錄

列傳第二百二十

黑婁傳

其地山川草木禽獸皆黑男女亦然

按黑婁二字乃譯音於字義無涉謂其山川草木禽

獸男女皆黑傳會不足據

其地山川草木禽鳥皆黑異文亦然

黑夷野

西番第百二十

葉市景即實錄

雲羅險以思言餘限葉相謝天假對其掛地頭決

寶三案錄議藉與也亦只錄亦從舊出翰著我類亦

姓和歸孫東也首刺刻突隆孫衣和貴而董一示前

二十十年四月以平對臨告天下

賤物也

明史考證擴逸補遺



清授資政大夫三品銜軍機章京戶部湖廣司郎中王

君墓誌銘

同縣葉昌熾拜撰

古人稱昆弟之交范史所書前有雷陳後有廉慶若昌熾之於王君蒿隱豈惟昆弟也哉昌熾幼而食貧與吾弟俯仰事畜未嘗一日共研削吾弟不幸早歿昌熾傭書京邸聞病遄歸已不及視含斂鵠原之痛至今引爲深疚蒿隱則自束髮訂交稍長同學同舉於鄉馮林一先生修郡志同侍鄭鄉者三載又兩至海虞瞿氏同勘書目江鄉百里扁舟于役出入未嘗不偕也庚辰君先達又十年昌熾始釋褐追隨詞館爲後進而君已改戶部值樞垣長安居不易道義之相最憂患之相卹風雨

過存兄弟無如也君之歿也其家以海警南下惟留次  
子季同召昌熾同在側屬纊之日枕其股而哭之歲月  
不居兩周星紀君之墓草載陳而昌熾亦將七十老矣  
桑海無徒屏居削迹欲得如君者共數晨夕焉可得哉  
君諱頌蔚號芾卿別號蒿隱其初名叔炳江蘇蘇州府  
長洲縣人先世宋時自汴南渡居郡之洞庭東山至明  
文恪公整族始大遷郡城君其十三世孫也會祖仲淇  
祖朝華父仁榮世有聲於橫舍皆以君官累 封資政  
大夫妣皆 封夫人君生有至性岐嶷善讀赭寇之難  
鄉居避地遭 贈公喪伯兄繼殂桴鼓在郊絞衾在室  
君年纔十三歲倚廬複壁卒奉繼祖母鄒太夫人間關

出險人知非常童矣寇平返故里受知於合肥蒯子範  
先生以縣試第一補長洲縣學生丙子舉鄉試庚辰成  
進士由庶常散館改戶部傳補軍機章京壬辰試御史  
哀然舉首君樂以言職自効而樞臣以熟手奏留非其  
志也君所至事賢友仁與海門周彥昇明經共學最早  
里門耆宿如潘鬯候朱怡雲事之在師友之間其餘文  
字交若管仲季袁瓌禹同朝如李蕓客朱蓉生沈子培  
黃仲弢梁星澥安曉峰皆當世閎偉君子推重君無異  
詞而桐廬袁忠節公過從尤密申之以婚姻 禁廷退  
直江亭龍樹迭爲主賓明鐙張席言笑晏晏然第攷德  
問業務爲實事求是之學而不以標榜聲氣時 朝廷

以國步日蹙銳意圖強游談之士倡爲新周故宋之說  
君視之蔑如也及君歿而邪說披昌馴至非聖無法淪  
胥不返遂遭陸沈之禍易曰履霜堅冰至然後知君之  
所慮遠也君敦尚氣節吳縣潘文勤師本葭蓂戚常熟  
翁文恭公則庚辰座主也君非論學不輕造 殿廷考  
試師門未嘗通私謁嘗曰得失事小廉恥事大詭遇求  
進吾不爲也文勤龍門高峻莫敢梯接顧獨雅重君奉  
諱歸里昌熾函丈侍側輒曰吾家居讀禮鼓門卻埽蒿  
隱云何或得君書則曰蒿隱規我矣其見嚴憚如此治  
家嗇於自奉嘗訓諸子古人儉以養廉之說其義最精  
今之墨吏非必天性無恥也簞簋不飭由於非盜泉之

水不足以自潤也充工程監督差廠商苞苴美其名曰  
節省銀兩君毅然卻之曰昔陳稽亭先生印結公項尙  
不受況實爲廠商之賅乎旣入詞館志在論思廣內著  
作承明又謂京曹官惟居言路袞職有闕尙可發抒忠  
讜吾浮湛郎署於國無補於學有損不如歸也浩然有  
東皋之思未幾中日釁起耶山之役王師失律海東藩  
衛淪於戎索君私憂竊歎益鬱鬱不自得竟於乙未七  
月朔染疫病不起其可悲也所著寫禮廡詩集文集讀  
碑記古書經眼錄各一卷又以昭代樸學度越宋明  
六經皆有義疏周禮爲歷朝典章制度所出獨無專書  
嘗詣昌熾商榷義類發凡起例先爲長編簿書填委未

遑輟簡在 方略館得 殿板初印明史上黏黃鐵審  
爲乾隆朝 敕校未蕝之本君從故紙堆中拂拭而出  
之刪其蕪冗撮其精要成考證擴逸四十二卷君精力  
絕人博聞彊識王伯申錢曉徵之流亞天假之年名山  
之業豈勝最錄而禮堂寫定之本止此當病且棘猶執  
昌熾手曰豹死留皮目炯炯視嗚呼其尤可悲也歿後  
三年葬於吳縣五都五圖萬青圩萬樂山麓之栲栳灣  
配謝夫人生子五長季烈次卽季同次季鑿殤次季點  
季緒皆宦學有聞孫十二存者守兌守則守熾守競守  
泰守鼎守恥守中競恥隨季同出後於同族季烈中光  
緒甲辰進士官學部郎中辛亥國變拂衣出國門耕海

濱以自晦君有子矣客歲歸旣梓君遺稿又哀述事狀  
請追銘其墓爰爲之詞曰

癸甲之際火始然積薪不徙遂燎原哲人見幾非不先  
辨姦抗論如老泉惜哉聽者規爲瑱履霜陰凝冰始堅  
不周山傾砥柱鑄君行蟬蛻踰十年劫火不侵龍漢前  
貞元朝士靈輻旋栲栳之轡萬樂阡紫邏青嶂視玉延  
抱琴欲彈還輟絃吁嗟逝者如逝川





右明史攷證攬逸四十二卷 先君子直樞垣時所輯

是書成於光緒甲午逾年 先君子卽棄養生平箸述

手自勘定者祇此一種戊戌夏袁忠節公索遺箸擬刊

入漸西村舍叢書中因以是稿呈之庚子之亂忠節遇

難原稿遂不可踪跡 季烈引爲深疚頻年飢驅奔走索

米長安鑿楹之書久經束閣及遭辛亥之變綱常顛墮

異說朋興因思 先人遺箸若不及時刊行將有覆瓿

補袍之慮始於客臘歸檢遺篋將詩文集及書碑題識

手錄清稿付諸梓人嗣於篋中檢得是書副本首尾幸

尙完具會曹君直章一山兩同年言吳興劉翰怡京卿

廣學甄微以刊行有用之書爲已任慙庶以稿寄之未

及一年而殺青已竟蓋乾隆時之著述至此始獲行世  
則京卿傳播佚書扶持古學之功詎維鮮民所痛感往  
哲後賢胥受其賜矣 季烈校畢後謹識數語並將葉鞠  
裳年丈所撰墓志附刊卷末俾讀是書者知 先君子  
學行之大概焉丙辰十一月男季烈跋於析津之牆東  
避世居

明史考證攬逸四十二卷王頌蔚第卿撰第卿長洲人  
光緒庚辰進士選翰林院庶吉士改戶部主事官至郎  
中軍機處行走素知明史考證藁在軍機值房先查出  
藍面冊明史自卷一百十六至卷三百三十二缺卷一  
百九十一  
五凡二百十六卷列傳首尾略具案語用黃籤黏書之  
上又得藁本四十餘冊後又得正本三巨冊自卷一百  
十八至卷三百二十八缺卷二百五十二  
至二百五十六凡二百六卷  
每卷題明史卷幾考證意在分附明史各卷之後故析  
卷皆同每條稱臣某某案亦與他史考證同式並得刊  
本考證一冊卷三百六至卷三百三十二乃互證參觀  
抉擇精審編定四十二卷且自敘其源委然後知廿四

史同有考證惜當時何以未行全刊致留缺陷以候農  
部之拾遺補缺殊不可解又以見農部職綜重要仍能  
隨地留意有功文獻爲近時學人之領袖而不蹈侈口  
高談不能伏案者之習尤爲加人一等方今清史開館  
以此書爲標準庶有益於撰述者歲在柔兆執徐冬月  
吳興劉承幹跋